

陸放翁詩鈔


鳳

柳田文庫

文庫11

D 220

4



文庫11
D 220
4



放翁先生詩鈔

清 周之麟 雪蒼

全選

日本

中野正興子興

全校

柴升錦川

山本謹

公行

五言絕

泛瑞安江風濤貼然

俯仰兩青空舟行明鏡中蓬萊定不遠正要一颿風

移花遇小雨喜甚為賦二十字

獨坐閒無事燒香賦小詩可憐清夜雨及此種花時

梅花絕句

低空銀一鈎糝野玉三尺愁絕水邊花無人問消息

放翁詩鈔 五言絕



010190556706

山月縞中庭，幽人酒初醒。不是怯清寒，愁躡梅花影。

縱筆

朝士腰下黃，山僧鼻端白。放翁俱笑汝，飽飯作閒客。温温地爐紅，皎皎紙窗白。忽聞啄木聲，疑是敲門客。

梅花

造物作梅花，毫髮無遺恨。楚人稱芳蘭，細看終不近。欲與梅為友，常憂不稱渠。從今斷火食，飲水讀仙書。春信今年早，江頭昨夜寒。已教清徹骨，更向月中看。

物外雜題

粉蝶臨江渚，朱橋枕市樓。長吟策小蹇，又度一年秋。

飼驢畱野店，買藥入山城。興盡飄然去，無人識姓名。

柳橋晚眺

小浦聞魚躍，橫林待鶴歸。閒雲不成雨，故傍碧山飛。

幽事絕句

死生歸有命，榮悴出無心。苔井閒磨劍，松窗自斲琴。矮紙來吳下，長毫出宛陵。自書霜夜句，持寄剡中僧。烟畦朝斲藥，雪澗夜淘丹。仄徑何曾險，單袍不覺寒。新傳服氣訣，舊喜步虛吟。兒女不難棄，雲山何處深。

春雨

春陰易成雨，客病不禁寒。又與梅花別，無因一倚欄。

疎點空堦，雨長明古殿。燈廬山岑寂，夜我是定中僧。

小雪

簷飛數片雪，瓶插一枝梅。童子敲清磬，先生入定回。

雪晴欲出而路澀未通戲作

欲覓溪頭路，春泥不可行。歸來小窗下，袖手看新晴。
雪消重作雨，冰釋又成泥。已敗筇枝興，高眠聽午雞。

放翁先生詩鈔

清 周之麟 雪蒼

全選

日本

中野正興子興

全校

柴升錦川

山本謹

公行

六言絕

雜興

舉足加劉公，腹引手，捋孫郎鬚，士氣日趨委靡，賴有二君埽除。

廣平作梅花賦，少陵無海棠詩，正自一時，偶爾俗人平地生疑。

瘦馬羸僮，道路清泉白石，山林常得有衣，換酒不愁無。

法燒金

豪士以妾換馬，畊農賣劍，買牛。我看浮雲似夢，却貪山水閒遊。

風細飛花相逐，林深啼鳥移時。客至旋開新茗，僧歸未拾殘棋。

夏日

退士自應客少，幽居不厭椽低。未說盤堆玉脍，且看白鷗金蘂。

醉面貪承夕露，釣竿喜近秋風。借問歸舟何處，深入芙蓉浦中。

溪漲清風拂面，月落繁星滿天。數隻船橫浦口，一聲笛起山前。

我是百年遺老，埽空一夢浮名。未到終南一華且入天台四明。

無題

滿帽秋風入剡，半帆寒日遊吳。問子行裝何在，帶間笑指葫蘆。

不慕生爲柱國，何須死向揚州。但願此身無病，天台剡縣閒遊。

Blank page with vertical lines for text.

放翁先生詩鈔

清 周之麟 雪蒼

全選

日本

中野正興子興

全校

朱升錦川

大窪行

天民

七言絕

東陽道中

風欹烏帽送輕寒，雨點春衫作碎斑。小吏知人當著句，先安筆硯對溪山。

和曾待制遊兩山

題天章山宿露亭

疎鐘迎客到溪亭，碧瓦朱欄相照明。想得松陰排萬衲，籃輿放處恰詩成。

以石芥送劉韶美禮部劉比釀酒勁甚因以爲戲
長安官酒甜如蜜風月雖佳嬾舉觴持送盤蔬還會否
與公新釀鬪端方

買魚二首

臥沙細肋何由得出水纖鱗却易求一夏與僧同粥飯
朝來破戒醉新秋

兩京春薺論斤賣江上鱸魚不直錢斫膾擣齋香滿屋
雨窓喚起醉中眠

法寶璉師求竹軒詩

南軒竹色映谿光不減吾州五月涼猶恨秋來鷗鷺少

須君更爲築橫塘

次韻魯山新居
短牆缺處插疎籬巷劣容車堂對陂天下有公殊可賀
坐中著我不妨奇

送張叔潛編修造朝

芒屨年來漸嬾穿閉門日日只高眠今朝出送張夫子
借得南鄰放扁船

宿楓橋

七年不到楓橋寺客枕依然半夜鐘風月未須輕感慨
巴山此去尚千重

大安病酒留半日王守復來招不往送酒解醒因
小飲江月館

江驛春醒半日留更煩送酒爲扶頭柳花漠漠嘉陵岸
別是天涯一段愁

和高子長參議道中

梁州四月晚鶯啼共憶扁舟菴畫溪莫作世間兒女態
明朝萬里駐安西

劍門道中遇微雨

衣上征塵雜酒痕遠遊無處不消魂此身合是詩人未
細雨騎驢入劍門

劍門城北回望劍關諸峯青入雲漢感蜀亡事慨
然有賦

自昔英雄有屈信危機變化亦逡巡陰平窮寇非難禦
如此江山坐付人

過武連縣北柳池安國院煮泉試日鑄顧渚茶院
有二泉皆甘寒傳云唐僖宗幸蜀在道不豫至此
飲泉而愈賜名報國靈泉云

滴瀝珠璣翠壁間遭時曾得奉龍顏欄傾甃缺無人管
滿院松風晝掩關

我是江南桑苧家汲泉間品故園茶只應碧缶蒼鷹爪

可壓紅囊白雪芽日鑄貯以小罇蠟紙丹印封之顧渚貯以紅藍縑囊皆有歲貢

思政堂東軒偶題

羈愁酒病兩無聊小篆吹香已半消喚起十年閩嶺夢

蘋桐花畔見紅蕉蘋桐嘉州謂之百日紅

次韻周輔道中

山靈喜我馬蹄聲正用此時秋雨晴日淡風斜江上路

蘆花也似柳花輕

花時遍遊諸家園

看花南陌復東阡曉露初乾日正妍走馬碧鷄坊裏去

市人喚作海棠顛

春本集
作風

為愛名花抵死狂只愁春日損紅芳綠章夜奏通明殿

乞借春陰護海棠

宜華無樹著啼鴛惟有摩訶春水生故老能言當日事

直將宮錦裹宮城

飛花盡逐五更風不照先生社酒中輸與新來雙燕子

啣泥猶得帶殘紅今年二月二日社而海棠已過

食齋

小著鹽醯助滋味微加薑桂發精神風爐歛鉢窮家活

妙訣何曾肯授人

寺樓月夜醉中戲作

海山縹緲玉真妃，貪看冰輪不肯歸。樓上三更風露冷，
旋圍步障換羅衣。

午夢

苦愛幽窗午夢長，此中與世暫相忘。華山處士如容見，
不覓仙方覓睡方。

新津小宴之明日，欲遊修覺寺，以雨不果，呈范舍

人

風雨長亭話別離，忍看清淚溼燕脂。酒光搖蕩歌雲暖，
不似西樓夜宴時。

天台縣有小閣下臨官道，予爲名曰玉霄。

竹輿衝雨到天台，綠樹陰中小閣開。勝作玉霄君會否，

要知散吏按行來。

予所領崇道觀，蓋在天台山中五霄峯下。

雨中山行至松風亭，忽澄霽。

煙雨千峯擁髻鬟，忽看青嶂白雲間。卷藏破墨管丘筆，
却展將軍著色山。

記夢

團臍霜蟹四腮，鱸膾俎芳鮮。十載無塞月，征塵身萬里。
夢魂也復醉西湖。

江上散步尋梅偶得

鐘殘小院欲消魂，漠漠幽香伴月痕。江上人家應勝此，

明朝更出小南門萬里橋門一

看梅歸馬上戲作

江路踈籬已過清，月中霜冷若為情。不如折向金壺貯，畫燭銀燈看到明。

春

鬢毛蕭颯寸心灰，生怕新年節物催。幸是身閒朝睡美，忽聞鼓吹打春回。

小雨極涼舟中熟睡至夕

舟中一雨掃飛蠅，半脫綸中臥翠藤。清夢初回窗日晚，數聲柔櫓下巴陵。

梅花絕句

空谷佳人洛浦仙，洗粧真態更嬋娟。廣平莫倚心如鐵，撩起清愁又破禪。

蜀王小苑舊池臺，江北江南萬樹梅。只怪朝來歌吹鬧，

園官已報五分開。成都合江園蓋故蜀別苑梅最盛自初開監官日報府報至開五分則府

主來宴遊人亦競集

探春歲歲在天涯，醉裏題詩字半斜。今日谿頭還小飲，冷官不禁看梅花。

雪晴至後園

寶馬東風擁犢車，碧雞坊裏擅豪華。南來強作尋春夢，

何處如今更有花

建安遺興

建安酒薄客愁濃，除却哦詩事事慵。不許今年頭不白，
城樓殘角寺樓鐘。

荔子絕句

驛騎星馳亦快哉，筠籠露濕手親開。不應相與無平素，
曾忝戎州刺史來。

宿北巖院

車馬紛紛送入朝，北巖燈火夜無聊。中年到處難為別，
也似初程宿灞橋。
岑參詩云初程莫早發且宿灞橋頭語意至工

紫谿驛

信州鉛山縣

雲外丹青萬仞梯，木陰合處子規啼。嘉陵棧道吾能說，
畧似黃亭到紫谿。

聞雁

過盡梅花把酒稀，熏籠香冷換春衣。秦關漢苑無消息，
又在江南送雁歸。

謝演師送梅

早梅時節到江南，已判樽前酒滿衫。輸與西鄰明上座，
解從大庾嶺頭參。

天祺節日飯罷小憩

七言絕

臥聽午漏隔花傳，簾裏花殘有斷烟。莫放轆轤鳴玉井，偷閒要補五更眠。

感舊絕句

鶯黃酒邊綠荔枝。鶯黃廣漢酒名。綠荔枝出敘州。摩訶池上納涼時。水

紈不畫驂鸞女，却寫江南白紵辭。

美人傳酒清夜闌，欲歌未歌愁遠山。蒲萄一斗原無價，

換得涼州也是閒。

夏日晝寢夢遊一院閒，然無人簾影滿堂惟燕颺。

箏絃有聲覺而聞鐵鐸風響，璆然殆所夢也。邪因

得絕句

桐陰清潤雨餘天，簷鐸搖風破晝眠。夢到畫堂人不見，雙輕燕蹴箏絃。

書懷

不到天台三十年，草菴猶記宿雲邊。老僧曉出松門去，手擎車持取澗泉。

丈人祠西山谷盤，麻姑洞前松櫟寒。仙翁欲覓渺無處，

聞在青溪浴大丹。仙翁謂譙先生。

未駕青鸞返帝鄉，三江七澤路茫茫。看山看水無程數，

漁艇為家共作糧。

感昔

常記東園按舞時，春風一架晚蔷薇。尊前不展鴛鴦錦，只就殘紅作地衣。成都小東門外趙氏園

予欲自嚴買船下七里灘，謁嚴光祠而歸會灘淺。陸行至桐廬始能泛江，因得絕句。

桐廬縣前鶻聲急，蒼烟茫茫白鳥雙。亂山日落潮未落，勝絕不減吳松江。

無題

半醉凌風過月旁，水精宮殿桂花香。素娥定赴瑤池宴，侍女皆騎白鳳凰。

又

出繭修眉淡薄，耕丁東環佩立西廂。人間浪作新秋感，銀闕瓊樓夜夜涼。

湖邛月夕

客路風塵化素衣，閒愁冉冉鬢成絲。平生不負月明處，神女廟前聞竹枝。

又

錦城曾醉六重陽，回首秋風每斷腸。最憶銅壺門外路，滿街歌吹月如霜。

病中

酒錢自昔從人乞，詩思出門何處無。青籊織蓬菅織席，

此生端欲老江湖

雪後尋梅

青帝宮中第一妃，寶香熏徹素綃衣。定知謫墮不容久

萬斛玉塵來聘歸。楠中四雙博輸玉塵九斛

相逢未易可疎親，不是登牆宋玉隣。林下風標許誰比

直須江左謝夫人

新塘夜歸

烟月茫茫十里堤，數聲漁唱埭東西。旋燒新兔傾村酒，扶得歸來醉似泥。

琵琶

西蜀琵琶羅紗槽，梨園舊譜鬱輪袍。繡筵銀燭燕宮夜

一飲千鍾未足豪。故蜀燕王宮今為張氏海棠園

夜意

睡覺隣鷄已再啼，蓬牕燈黑雨凄凄。東家蹇驢不用借，明日門前一尺泥。

八月五日夜半起飲酒作草書數紙

有漏神仙有髮僧，碧幃欹枕對秋燈。忽然起索三升酒，颯颯蛟龍入剡藤。

秋雨漸涼有懷興元

八月山中夜漸長，雨聲燈影共淒涼。遙知南鄭風

已有寒熊犯獵場

秋夜觀月

誰琢天邊白玉盤，亭亭破霧上高寒。山房無客兒貪睡，常恨清光獨自看。

夜聞鄰家治稻

二頃春蕪廢不耕，半生名宦竟何成。歸來每羨農家樂，月下風傳打稻聲。

予秋夜觀月得瘡疾枕上賦小詩自戲

貪看霜月步亭臯，不覺寒侵范叔袍。且倚誦詩驅瘡鬼，斷無人寄碧腴膏。
唐小說載鄭虔妻病瘡，杜子美教誦于璋，闕體血模糊等句以却之，又元

微之謫江陵病瘡白樂天自長安寄以碧腴膏

寄題朱元晦武夷精舍

先生結屋綠巖邊，讀易懸知屢絕編。不用采芝驚世俗，恐人謗道是神仙。

山如嵩少三十六，水似邛邛九折途。我老正須閒處著，白雲一半肯分無。

遊僊

羅澗谷選放翁詩有遊仙七言古詩一首卽飄飄初珥玉殿三絕句合成者附記于此

飄飄鸞鶴杳難攀，萬里東遊海上山。應有世人遙稽首，紫簫餘韻落雲間。

鳳舞鸞歌宴蕊宮，碧桃花下醉千鍾。紅塵謫滿重歸去。

花未開殘宴未終

玄圃春風賜宴時，雙成獨奏玉參差。侍晨飲醕虛皇喜，

一段龍綃索進詩。

初珥金貂謁紫皇，仙班最近玉爐香。為憐未慣叢

霄冷，獨賜流霞九醞觴。

玉殿吹笙第一仙，花前奏罷色凄然。憶曾偷學春愁曲，

謫在人間五百年。

探梅

江路雲低糝玉塵，暗香初探一枝新。平生不喜凡桃李，

看了梅花睡過春。

湖邨野興

十里疎鐘到野堂，五更殘月伴清霜。已知無奈姪娥冷，

瘦損梅花更斷腸。

鄉人或病予詩多道蜀中遨樂之盛，適春日遊鏡

湖，共請賦山陰風物，遂卽杯酒間作四絕句，却當

持以誇西州故人也。選

嬾日輕雲淡沲天，撲燈過後賣花前。便從水閣杭湖去，

捲起朱簾上畫船。

河橋客亭

小市初晴已過春，朱櫻青杏一番新。灞陵老子無人識，

河本集
作詞

暫借郵亭整角巾

送紫霄女道士四明謝君

一別南充十四年時時清夢到金泉山陰道士秋風早

却見神仙小自然

果州金泉山謝自然飛昇之地

初冬雜題

助業文章意已闌算年不足是看山江南寺寺樓堪倚

安得身如杜牧閒

荒郊寒雨晚淒淒四壁穿頽旋補泥物我元須各安穩

自苦牛屋織雞棲

南窗擘黃柑獨酌有感

放翁潦倒鬢成絲也把花前酒一卮何限人間堪恨事
黃柑月荔不同時

春遊絕句

一百五十春郊行三十六溪春水生千秋觀裡逢急雨

射的峰前看晚晴

自秦望山而北合三十大溪水為若耶溪

宿石帆山下

卷地東風吹釣船石帆重到又經年放翁夜半酒初解

落月銜山聞杜鵑

泊舟

蘸岸烟波巖畫船幅巾蕭散餞流年雨行楊柳吹晴雪

五
十
本
集
卷
五

只著啼鶯未著蟬

病中夜半

蕭蕭欲脫猶吟葉耿耿微明未滅燈夜半不眠閒倚壁
使君清似北山僧

園中絕句

溪北溪南飛白鷗夕陽明處見漁舟憑誰爲剪機中素
畫取天涯一片秋

雪中忽起從戎之興戲作

狐裘臥載錦駝車酒醒冰髭結亂珠三尺馬鞭裝白玉
雪中畫字草軍書

春日小飲

社雨霏霏淫杏花農家分喜到州家蒼鵝戲處塘初滿
黃犢歸時日欲斜

假中閉戶終日偶得絕句

官身常欠讀書債祿米不供沽酒資剝喜今朝寂無事
焚香閒看玉谿詩

除夜雪

只怪重衾不禦寒起看急雪玉花乾
建明欲謁虛皇殿
旛馬蒙壇立夜闌

雪中聞急雨

一味疎慵養不才，飯蔬亦已罷銜杯。衡茆終日人聲絕，臥聽芭蕉報雨來。

若耶溪上

九月霜風吹客衣，溪頭紅葉傷人飛。村場酒薄何妨醉，菘正堪烹鱉正肥。

拄杖

放翁拄杖具神通，蜀棧吳山與未窮。昨夜夢中行萬里，蓮華峰上聽松風。

睡起見楊花滿庭偶書

斷香裊裊倚窗紗，睡起曹騰日未斜。堪嘆春風雨惡，

今年四月見楊花

予十年間兩坐斥臯，雖擢髮莫數而詩為首，謂之

嘲詠風月，既還山遂以風月名小軒，且作絕句

扁舟又向鏡中行，小草清詩取次成。放逐尚非餘子比，

清風明月入臺評。

鄰曲有未飯，被追入郭者，惘然有作

春得香杭摘綠葵，縣符急急不容炊。君王日御金華殿，

誰誦周家七月詩。

春雨

千點猩紅蜀海棠，誰憐雨裏作啼粧。殺風景處君知否，

正伴隣翁救麥忙

小舟自紅橋之南過吉澤歸三山

六月芙蓉正盛時，畫船長記醉題詩。世間光景元無盡，
霜落荷枯又一奇。

春晚村居雜賦

朝書牛券拈枯筆，暮祭蠶神酌凍膠。閒放無憂窮有意，
傍人錯羨此翁高。

澆書滿抱浮蛆瓮，攤飯橫眠夢蝶床。莫笑山翁見機晚，
也勝朝市一生忙。
東坡先生謂晨飲為澆書，李黃門謂午睡為攤飯。

信筆

急雨初過景物奇，一天雲作細鱗差。畫橈弄水二十里，
恰是西村烟暝時。

秋日郊居

行歌曳杖到新塘，銀闕瑤臺無此涼。萬里秋風菰菜老，
一川明月稻花香。

舍北望水鄉風物戲作絕句

西風沙際矯輕鷗，落日橋邊繫釣舟。乞與畫工團扇本，
青林紅樹一川秋。

夜讀范至能攬轡錄言中原父老見使者多揮涕，
感其事作絕句

公卿有黨排宗澤，帷幄無人用岳飛。遺老不應知此恨，亦逢漢節解沾衣。

楊庭秀寄南海集

寒本集
同題誤

飛卿數闕嶠南曲，不許劉郎誇竹枝。四百年來無復繼，

如今始有此翁詩。溫飛卿南鄉子九首其工不減夢得九枝

九枝本
夜集作竹

病起

少年射虎南山下，惡馬強弓看似無。老病即今那可說，出門十步要人扶。

紅梅

苧蘿山下越溪女，戲作長安時世粧。白白朱朱雖小異，

斷知不是百花香。

雪裏溪頭已占春，小園又試晚粧新。放翁老去風情在，

惱得梅花醉似人。

枕上聞急雨

枕上雨聲如許奇，殘荷叢竹共催詩。喚回二十三年夢，燈火雲安驛裏時。

繫舟

地曠月明鋪素練，霜寒河淺拂輕綃。手扶萬里天壇杖，夜過前村禹會橋。

記夢

黃河衮衮抱潼關，蒼翠中條接華山。城郭丘墟人盡老，藥爐依舊白雲間。

三髻山童喜欲顛，下山迎我拜溪邊。松陰拂罷蒼苔石，接竹穿雲理舊泉。

欲出遇雨

東風吹雨惱游人，滿路新泥換細塵。花睡柳眠春自嬾，誰知我更嬾於春。

平水

旅飯風埃小市傍，却呼拄杖踏斜陽。可憐陌上離離艸，一種逢春各短長。

看鏡

七十衰翁臥故山，鏡中無復舊朱顏。一聯輕甲流塵積，不為君上戍玉關。
馬止惠公喜功名，每日幸未甚衰若。有邊警願預征行，得良馬數匹輕甲足矣。

三峽歌

乾道庚寅予始入蜀，上下三峽屢矣。後二十五年歸畊山陰，偶讀梁簡文巴東三峽歌，感之，擬作九首。實紹熙甲寅十月二日也。
選四

十二巫山見九峯，船頭彩翠滿秋空。朝雲暮雨渾虛語，一夜猿啼明月中。

蠻江水碧瘴花紅，白舫黃旗無便風。涪萬四時常避水，
棚居高出亂雲中。

亂插山花簪子紅，蠻歌相和漲西東。忽然四散不知處，
踏月捫蘿歸峒中。

我遊南賓春莫時，蜀船曾繫挂猿枝。雲迷江岸屈原槍，
花落空山夏禹祠。

春晚懷山南

梨花堆雪柳吹絲，常記梁州古驛前。二十四年成昨夢，
每逢春晚卽惓然。

齋中雜題

列屋娥眉不足誇，可齋別自足生涯。閒將西蜀團窠錦，
自背南唐落墨花。

斐兒硯涵鸚鵡眼，古奩香斲鷓鴣斑。絕知造物慙勲意，
成就衰翁到死閒。

舍北晚眺

紅樹青林帶暮烟，竝橋常有賣魚船。樊川詩句營丘
盡在先生拄杖邊。

日日津頭繫小舟，老人自嬾出門遊。一枝筇杖疎籬外，
占斷千巖萬壑秋。

小舟遊近村捨舟步歸

本集五
下有畫
字

斜陽古柳趙家莊，負鼓盲翁正作場。死後是非誰管得，滿村聽說蔡中郎。

山行

眼邊處處皆新句，塵務經心苦自迷。今日偶然親拾得，亂松深處石橋西。

客言來自上臯道中以其語作一絕

日曬霜融作淺泥，酒家却在斷橋西。五陵今代無豪俠，獨臥茅簷聽午雞。

懷舊

翠崖紅棧鬱參差，小益初程景最奇。誰向豪端收拾得，

李將軍畫少陵詩

雜題

齊本集作伊

莫笑花前白髮新，宣和人醉慶元春。何時道路平如砥，却就清漪整幅巾。
三生元是出家人，一念差來墮薦紳。二寸楮冠雙草屨，天公還我水雲身。

雜感

志士山棲恨不深，人知已是負初心。不須先說嚴光輩，直自巢由錯到今。
百年鼎鼎成何事，寒暑相催即白頭。縱得金丹真不死，

摩挲銅狄，更添愁。
故舊書來訪死生，時聞剝啄叩柴荆。自嗟不及東家老，
至死無人識姓名。

春晚感事

寒食梁州十萬家，鞦韆蹴鞠尚豪華。犢車轆轤歸城晚，
爭碾平蕪入亂花。

北窗

寒泉斷藕，素絲長紋。簟開瓜，碧玉香。午睡覺來，桐影轉。
無人可共北窗涼。

冬夜爐邊小飲

擁爐可使曲身，直飲酒能回槁面。紅若使金丹，真入手。
飛騰亦在立談中。

梅花

一花兩花春信回，南枝北枝風日催。爛熳却愁零落近，
丁寧且莫十分開。

致仕後即事

老民一日脫朝衣，回首平生萬事非。赤腳婢沾村釀去，
平頭奴馭艸驢歸。
問門前客，元無迹。諛墓中人，本不工。猶有鄰僧能送米，
未妨竊比玉川公。

讀林逋魏野二處士詩

君復仲先真，隱淪筆端亦自幹。千鈞閒中，一句終難道。何况市朝名利人。

村飲

淡烟孤榜繫村橋，疊疊沙浪印落潮。最是一年秋好處，踏泥沽酒不辭遙。

新寒

安石榴房初小，南天竺子亦微，丹新寒漠漠偏欺老。睡起無風怯倚欄。南燭草本俗謂之南天竺李端叔取以名僧寮蓋用俗語也

冬初出遊

寒驢渺渺沙烟津，十里山村發興新。青旆酒家黃葉寺，相逢俱是畫中人。

冬晴與子坦子聿遊湖上

海山山下百餘家，垣屋參差一帶斜。我欲往尋疑路斷，試浴流水覓桃花。

夢中作遊山絕句

霜風吹帽江村路，小蹇迢迢委轡行。忽到雲山幽絕處，穿林啼鳥不知名。

龜堂雜興

閩溪紙被輒於綿，黎峒花紉暖勝氈。一夜山中三尺雪。

未妨老子日高眠

二三隣曲偶相尋，小醉悠然臥竹陰。醉後自看還自笑，溪雲猶未是無心。

項里觀楊梅

溪流曲曲樹陰陰，人語烟中覺塢深。把定山僧同一笑，明年強健更相尋。

對酒戲咏

淺傾西國蒲萄酒，小嚼南州豆蔻花。更拂烏絲寫新句，此翁可惜老天涯。

追感往事

諸公可嘆善謀身，誤國當時豈一秦。不望夷吾出江左，新亭對泣亦無人。

雨晴風日絕佳，徙倚門外。

茶甌無端廢午眠，杖藜信步到門前。青裙溪女結蠶卦，白髮廟巫催社錢。

夏日雜題

一枝黎峒枕椰杖，二寸羊城唾蜩冠。萬里來為老人壽，始知天地不勝寬。

病愈看鏡

鏡中稍復舊朱顏，一笑衰翁乃爾頑。三百瓮齏消未盡，

不知更著幾年還舊傳貧士死見陰吏為言當還魂有三百瓮壘祿料未盡

夜歸

芙蓉菱陂夜半時小舟更著疾風吹青燐一炬楓林外
鬼火漁燈兩不知

戲畬野人

日飲雲根一脈泉知君骨相自應仙曲肱閒臥蒨簷下
買斷南山不用錢

木葉凋疎天欲霜老懷多感易淒涼得君數語開人意
徑就湖橋醉夕陽湖橋有村店酒甚美

追憶征西幙中舊事

小獵南山雪未消繡旗斜卷玉聰驕不如意事常千萬
空想先鋒宿渭橋

小雨偶出隣里小兒競隨吾後不知其意何也

雲生海濤初飛雨日漏山椒旋作晴箬笠芒鞋橋下路
兒童爭逐放翁行

倚樓十二月
初三日

算雲細細鱗千疊新月纖纖玉一鈎嘆息化工真妙手
衝寒來倚水邊樓

梅花絕句

當年走馬錦城西會為梅花醉似泥二十里中香不斷

會本集

青羊宮到浣花溪

關道梅花坼曉風雪堆遍滿四山中何方可化身千億

一樹梅前一作花一放翁

記夢

借命從來不問天經旬無酒亦陶然夢為估客揚州去

水調聲中月滿船

山茶

雪裏開花到春晚世間耐久孰如君憑闌嘆息無人會

三十年前宴海雲成都海雲寺山茶開故事宴集甚盛

九月十四日夜雞初鳴夢故人相語曰我為蓮

華博士蓋鏡湖新置官也我且去矣君能暫為之

乎月得酒千壺亦不惡也既覺惘然作絕句記之

白首歸修汗簡書每因囊粟戲侏儒不知月給千壺酒

得似蓮華博上無

紹興癸亥余以進士來臨安年十九明年上元從

舅光州通守唐公仲俊招觀燈後六十年嘉泰壬

戌被命起造朝明年癸亥復見燈夕遊人之盛感

嘆有作

隨計當時入帝城笙歌燈火夜連明寧知六十餘年後

老眼重來看太平

春日

便恐東皇促駕回，小軒無事且銜盃。不知何處桃花落，一片飛從屋角來。

題三茆邵道士雲隱

興盡當年句曲秋，却歸菴畫弄扁舟。有時信脚來沙際，拾得殘雲補破裘。

秋思

烏桕微丹菊漸開，天高風送雁聲哀。詩情也似并刀快，剪得秋光入卷來。
水際柴門一扇開，白頭羸病亦堪哀。阿誰得似桄榔杖，

肯爲閒人萬里來。

泊舟湖橋酒樓下

縹緲雲邊菴畫樓，空濛雨外木蘭舟。誰知老子清狂甚，獨占城南十里秋。

雨後

雨後涼生病體輕，閒拖拄杖出門行。槐花落盡桐陰薄，時有殘蟬一兩聲。

感昔

行年三十憶南遊，穩駕滄溟萬斛舟。常記早秋雷雨霽，柁師指點說琉球。

負琴腰劍成三友，出蜀歸吳歷百城。最是客途愁絕處，巫山廟下聽猿聲。

岳陽三伏正炎蒸，爽氣淒風見未曾。白浪蹴天樓欲動，當時恨不到黃陵。

行遍天涯只漫勞，歸來登覽興方豪。雲生神禹千年穴，雪捲靈胥八月濤。

暮秋

閒傾清聖濁賢酒，穩泛朝南暮北風。射的山前雲幾片，一秋不散伴漁翁。

感昔

白帝城邊鷺亂啼，憶騎瘦馬踏春泥。老來感舊多悽愴，孤夢時時到灤西。

曾從征西十萬師，三頭回顧只成悲。雲深路谷傳烽處，雪密嶓山按獵時。

夢華山

古松偃蹇谷谿衍，太華峰前野老家。久客未歸丹竈冷，碧桃八十一番花。

自詠絕句

不淪鬼錄不登仙，遊戲杯觴近百年。小市跨驢寒日裏，任教人作畫圖傳。

遊山遇雨

千秋觀前雨濕衣，石帆山下叩漁扉。
鷓鴣苦道行不得，杜鵑更勸不如歸。

思雲門

一身膏脂畧瘦盡，萬卷簡編如隔生。
祇欲移家若耶去，亂雲深處聽灘聲。

乙丑夏秋之交小舟早夜往來湖中戲成絕句

橫林渺渺夜生烟，野水茫茫遠拍天。
菱唱一聲驚夢斷，始知身在釣魚船。

河漢橫斜斗柄低，啼鴉掠水未成栖。
怪生淒爽侵肌骨，

舩繫秦皇酒瓮西

譙門鼓角寺樓鐘，一一風傳到短篷。
喚得放翁殘酒醒，錦囊詩草不教空。

酒旆搖搖出竹籬，扁舟遠赴野人期。
一天風雨晚來惡，落盡白蓮渾不知。

夢中作

大慶橋頭春雨晴，行人馬上聽鶯聲。
祥符西祀曾迎駕，惆悵無人說太平。

題樹木姜楚公鷹

弓面霜寒斗力增，坐思鐵馬蹴河冰。
海東俊鶻何由得，

空看繇州舊畫鷹

詹仲信以山水二軸爲壽固辭不可乃各作一絕

句謝之

策蹇度橋春雨餘亂山缺處草亭孤不知何許丹青手

畫我當年入蜀圖

春山

雪崦梅村一徑斜
芴檐烟火兩三家
眼明見此幽棲地

却恨吾廬已太奢

雪山

禽聲

布穀布穀天未明
架犁架犁人起畊
宦途不似農家樂
東作西成過此生

晝寢

倦腕擎書忽墮前
心清無夢腹便便
丹成未要排雲去
且住人間作睡仙

縱遊深山隨所遇記之

山徑欹危細棧通
孤村小店夕陽紅
竹郎有廟臨江際
木客無家住菁中

題驛壁

輪囷古柳驛門前
糴米歸遲突未烟
隨計入都今四紀
驢寒僕瘦只依然

舟中記夢

石帆山下，一漁翁風雨蕭蕭，臥短篷。幽夢覺時還自笑，
聞州城北看蠶叢。

醉歌

艸書大_一叫寫成圖，博塞隨聲喝。作盧何似，卽今雲海上，
千鈞強弩射天吳。
百騎河灘獵盛秋，至今血漬短貂裘。誰知老臥江湖上，
猶枕當年虎鬪髀。

夢中作

野鶴翩僂啄粒微，碧桃縹緲著花稀。海山又見春風到，
丹竈苔封人未歸。

春前六日作

夜枕夢回春雨聲，曉窗日出春鳥鳴。典衣沽酒莫辭醉，
自有梅花爲解醒。

憶昨

萬里曾爲汗漫遊，豈知白首弄漁舟。會騎一鶴凌風去，
何處人間無酒樓。

烟波印事

烟波深處臥孤篷，宿酒醒時聞斷鴻。最是平生會心事，
蘆花千頃月明中。

夢筆橋邊聽午鐘，無窮烟水似吳松。前年送客曾來此，

惟有山僧認得儂

夏日雜題

東吳五月黃梅雨，南浦孤舟白髮翁。
貂插朝冠金絡馬，多年不入夢魂中。

午夢初回理舊琴，竹爐重炷海南沉。
茆簷三日蕭蕭雨，又展芭蕉數尺陰。

孤店

與兒孫送五郎為淮西之行
小飲民家是日雲興頗憂雨

孤店門前千萬峰，酒濃不抵別愁濃。
明朝晴雨吾能卜，但聽蘭亭古寺鐘。

秋思

一篇舊州天台賦，六幅新傳太華圖。
占盡人間清絕事

紫藤香起竹根爐

藤香近
出廬山

桑竹成陰不見門，牛羊分路各歸村。
前山雨過雲無迹，別浦潮回岸有痕。

記夢

衣紳飄舉髮颺颺，一鶴聊為太華遊。
每過名山思小憩，天風浩浩不容留。

歲晚

不學空門不學仙，端居曾次自超然。
絳人甲子君休問，新歲吾兒本命年。

歲暮

淺色染成官柳，絲水沉熏透野梅。枝客來莫怪逢迎，嬾
正伴曾孫竹馬嬉。

禹寺

禹寺荒殘鐘鼓在我來，又見物華新。紹興年上會，題壁
觀者多疑自古人。

東窗

寂寂東窗午夢殘，更堪春雨作春寒。蠻童未報煎茶熟，
一卷南華枕上看。

春遊

入會州人謝酒，太華圖古盡人間青嶽。

方屏衝破湖波綠，聯騎蹋殘花徑紅。七十年間人換盡，
放翁依舊醉春風。予年十四到禹祠，龍
瑞今七十一，年矣。
蘭亭路上換春衣，梅市橋邊送夕暉。聞有水仙翁是否，
輕舟如葉槳如飛。

小艇

放翁小艇輕如葉，只載蓑衣不載家。清曉長歌何處去，
武陵溪上看桃花。

閒遊

好事湖邊賣酒家，杖頭錢盡慣曾賒。壚邊爛醉眠經日，
開過紅薇一架花。

雨夜

疥多漸減燈前課老甚都忘枕上愁一段高情誰會得
臥聽簷雨瀉清秋

仲秋書事

秋風社散日平西餘胙殘壺手自提賜食敢思烹細項
家庖仍禁擘團臍昔為儀曹郎兼領膳部每蒙賜食與
三公畧等食品中有羊細項甚珍子
近以惡殺不食蟹

稽山道中

文章事業初何有鐘鼎山林本自同昨暮釣魚天鏡北
今朝采藥石帆東

法雲孚上座求詩

老人痴鈍避嫌猜終日柴門閉不開堪笑山僧能好事
乞碑纔去覓詩來近有淨慈僧訥來求銘
其師捨亦寓法雲幾年

聞新雁有感

新雁南來片影孤冷雲深處宿菰蘆不知湘水巴陵路
曾記漁陽上谷無

初冬雜咏

俗緣已斷寧容續幽事雖多不厭增折簡迎醫看病鹿
春粳炊飯供遊僧

十二月十日暮小雪即止

夜來急雪打船窗，今夜推窗月滿江。堪恨無情一枝艣，水禽驚起不成雙。

予以淳熙戊戌歲自蜀歸時年五十四今三十有二年矣猶復強健得小詩自贊

入玉門關到酒泉昔人想望若登天豈知萬里征途客歸臥家山三十年

蘭亭道上

湖上青山古會稽斷雲漠漠雨凄凄籃輿晚過偏門市滿路春泥聞竹雞
箭箠弓張小獵回壯心自笑未抵摧前身家近盤聞路

征途本
集作西

抵本集
作低

曾看吳王射雉來

讀許渾詩渾居丹陽丁卯橋其詩丁卯集

裴相功名冠四朝許渾身世落漁樵若論風月江山主

丁卯橋應勝午橋

夏日

蘋生洲渚微風起梅熟園林細雨來咫尺柴門常嬾出不教拄杖損蒼苔

劉道士贈小葫蘆

箇中一物著不得建立森然却有餘盡底語君君豈信試來跳入看何如

嘉定己巳立秋得膈上疾近寒露乃小愈
客疾無根莫浪憂今朝埽盡不容留飲囊酒瓮非吾事
只貯于巖萬壑秋

病思

西山雪外巢松客南岳岩前洗鉢僧平日寄懷常在此
秋風剩欲辦行滕

梅市書事

羸馬孤愁不可勝小詩未忍付曹騰一聲客枕江頭雁
數點商船雨外燈

殘菊

殘菊一枝香未殘夜牕拈起百回看過時只恐難相笑
我是三朝舊史官

示兒

死去元知萬事空但悲不見九州同王師北定中原日
家祭無忘告乃翁

放翁詩集

Blank columns for text on the right page.

和漢洋書藉發兌處

東京帝國大學 京都帝國大學
高等師範學校 第一高等學校
學 習 院 帝國圖書館 御用書肆

發行印刷者

青木恒三郎

大阪市東區博勞町四丁目廿七番邸

製本發賣所

青木嵩山堂

東京市日本橋通志丁目
大阪市中心齋橋筋博勞町

全

青木嵩山堂

賣捌所

嵩山堂支店

勢州四日市港登田

丁卯

